

Zastupnik u Skupštini Kantona Sarajevo

SEJO BUKVA

VLADA KANTONA SARAJEVO – n/r PREMIJERA

MINISTARSTVO UNUTRAŠNJIH POSLOVA – n/r MINISTRA

MINISTARSTVO ZDRAVSTVA – n/r MINISTRICE

PREDMET: Inicijativa za izmjenju regulative plaćanja usluga policije i hitne pomoći za nastupe reprezentativnih selekcija, dostavlja se;

Poštovani premijeru i ministre/ice

Iniciram kod Vlade Kantona Sarajevo te Ministarstva unutrašnjih poslova i Ministarstva zdravstva da svaki od istih poduzmu aktivnosti na izmjenama odredaba koje tretiraju oblast naplate usluga policije i hitne pomoći prilikom održavanja sportskih manifestacija, čiji su učesnici reprezentativne selekcije Bosne i Hercegovine u bilo kojem sportu, a koje se organizuju na području Kantona Sarajevo.

Obrazloženje

Pravilnikom/Odlukom koji su doneseni na temelju zakonske regulative koja tretira nadležnosti resornih ministarstava propisana je obaveza plaćanja usluga angažovanja policijskih službenika i medicinskih radnika, te potrebne opreme prilikom održavanja sportskih manifestacija.

Naime, kako nam je svima poznato finansijska situacija u sportu je jako loša, a budžeti nisu orjenitisani na način da se kroz isti mogu dodatno finansirati sve sportske aktivnosti koje bi se provodile kako na kantonalnim tako i na višim nivoima vlasti.

Također, poznato je da je jedan od bitnih segmenata u promociji države Bosne i Hercegovine nastup reprezentativnih selekcija kako kroz zvanične nasatupe tako i kroz prijateljske utakmice, kojim se pored promocije i predstavljanja Bosne i Hercegovine vrši i popularizacija sporta kao bitnog segmenta svakog društva, a prvenstveno u odrastanju mladih.

Kako je sport bitna karika svake države, a kako nadležne institucije u Bosni i Hercegovine nemaju dovoljno razumijevanja za ulaganje u sport smatram da minimalno što država, ne može nego mora, da učini jeste da kod nastupa reprezentativnih selekcija ne stvara dodatne troškove tako što će institucije države pružati usluge iz svoje nadležnosti ekipama koje igraju za državni dres i pod državnom zastavom.

U skladu s tim smatram da se prilikom održavanja sportskih manifestacija čiji su akteri reprezentativne selekcije (ekipe ili pojedinci) ne trebaju plaćati usluge policije i hitne pomoći tj. da isti trebaju biti izuzeti iz normativnih akata koji tretiraju ovu oblast.

U prilog ovoj činjenici ide i to da svaka sportska manifestacija bude propraćena sa obavezom angažovanja zaštitarskih službi u cilju uvođenja reda i očuvanja istog, tako da su policijske aktivnosti su znatno umanjene u ovom dijelu, dok je na nivou Kantona Sarajevo uspostavljen veliki broj zdravstvenih institucija koje mogu pružiti uslugu medicinske podrške tako da se ne mora opteretiti samo služba hitne medicinske pomoći.

Koristim priliku da još naglasim da se prilikom organizovanja ovih sportskih manifestacija ne ostvaruju prihodi za pojedince ili saveze, nego isti služe za dalje finansiranje sportskih manifestacija, putovanja ekipa na druga takmičenja i drugi troškovi reprezentativnih ekipa.

Podnosiči inicijative

Zastupnik Sejo Bukva